



## **Australian Government**

### **Department of Health**

#### **TGA pomzoo kom cov pejxeem Australians siv tau cov tshuaj tiv-thaiv COVID-19 lawm**

Cov tshuaj tiv-thaiv kabmob COVID-19 yuav pab tua tus kabmob coronavirus.

Australia lub tsev Txheeb-xyuas Tshuaj (*Therapeutic Goods Administration (TGA)*) lub luag haujlwm yog soj-ntsuas thiab tsocai pub siv cov tshuaj tiv-thaiv kabmob COVID-19 rau tebchaws Australia. Lub tsev TGA tau txheeb-xyuas tagrho qhov zoo thiab phem txog cov tshuaj tiv-thaiv kabmob. Lub tsev TGA txojkev txheeb xyuas cov tshuaj kom muaj kev nyab-xeeb thiab kev siv tau zoo - yog ib txoj nruj – dav –(broad) thiab tsis koom leej twg tswv yim (independent).

Tab sis yog tias TGA nws yuav ua haujlwm nws ib leeg xwb. TGA ua haujlwm sibkoom tes nrog cov kws tshuaj thoob ntiaj teb. Sawvdaws khiav haujlwm sibkoom tes txhua hnuv thiab sib pab qhuab-qhia kom sawvdaws siv tau ib yam.

Ua ntej thaum yuav tsocai pub siv ib yam tshuaj twg, TGA yuavtsum taug xyuas tus tshuaj tej kev tshawb fawb scientific thiab clinical uas tau tshwm sim thiab tau coj mus siv kho neeg dhau los. Cov ntsiab lus no yog muab los ntawm tus tswv tsim tus tshuaj vaccine thiab lwmyam povthawj uas tau muaj tshwm sim.

Peb yuav tsocai pub siv cov tshuaj vaccine uas twb tau coj mus sim kho cov neeg mob hauv tsev khomob thiab kho tau zoo tsis muaj teebmeem xwb. Nws tshwj-xeeb heev ntawm tus tswv chiv cov tshuaj (vaccine developer) yuavtsum qhia tseeb tias yam tshuaj ntawd yuav coj mus tod ua tshiab tau kom zoo (high quality) li qub thiab yeej tseem tiv-thaiv tau zoo tsis muaj kev txhim kho dabtsi.

Yog yam tshuaj vaccine uas tau txais kev tsocai pub siv ntawm lub tsev TGA lawm ces, thov kom sawvdaws tsoiab tias yam tshuaj ntawd yuav tiv-thaiv tau COVID-19. Yam tshuaj vaccine yuav pab tiv-thaiv kom cov neeg kis tau tus mob tsis txhob mob hnyav losyog mob tuag tau.

Tom qab uas pomzoo siv tau lawm ces, peb mam taug xyuas ntxiv. Peb yuav ua twbzoo soj-ntsuas kev nyab xeeb txog cov tshuaj tiv-thaiv rau tag nrho cov tshuaj ua xa tuaj rau hauv Australia.

Rawsli peb lub homphiaj qhov siab tshaj ces yog cia lub tsev TGA ua tus soj-ntsuas taug xyuas tag rho txog tus tshuaj tiv-thaiv COVID-19 – nyob rau lub caij uas luv tshaj txhua zaus uas ib txwm muaj.

Tebchaws Australia txojkev taug-xyuas txog cov tshuaj tiv-thaiv kabmob yuav ua rau kom sawvdaws muaj kev ntseeg txog tus tshuaj tiv-thaiv. Ces qhov no thiaj yuav ua rau pejxeem kam tuaj txhaj coob.

Peb tau ua licas thiaj siv lub caij sai heev los tswj kev soj-ntsuas cov tshuaj tiv-thaiv vaccines kom ua tau zoo rawsli peb txojkev npaj (standards), uas yeej tsis raug txiav dabtsi tawm li? Lub tsev TGA yeej tau txais xovxwm tsis so tuaj ntawm cov tswv-chiv tshuaj. Peb tau ua haujlwm sibkoom nrog lawv thiab yeej tau txais cov lus teb txog tejam uas peb tsis paub sai heev.

Peb muaj ntau pab pawg neeg uas nyias saib-xyuas nyias yam haujlwm txog tus tshuaj tiv-thaiv kabmob. Peb tseem tau nrhiav neeg coob tus ntxiv coj los saib kev pab txheeb-xyuas (review) thiab soj-ntsuas xyuas tus tshuaj kom muaj kev nyab-xeeb tisis thiab. Peb pab-pawg kws expert yeej ua haujlwm tsis so kiag rau lub caij phav no.

Nyaj tejzaum koj yuav hnov tias lub tsev TGA mas yeej taug-xyuas thiab saib cov ntsiab lus txog tus tshuaj tiv-thaiv uas sau ua ntau caum-txhiab daim ntawv txog tus tshuaj thaum lawv los soj-ntsuas. Uali yog peb txheeb-xyuas txog dabtsi tiag?

Peb saib ib-puas tsav yam txog tus tshuaj, txog kev siv tuaj tshuaj hauv lub chaw kuaj kabmob laboratory. Peb saib txog txojkev chiv ua tshuaj. Peb saib txog ntaub-ntawv sau qhia txog cov fwj tshuaj me (vials of products) uas raug xa mus siv nyob rau hauv kws khomob cov tsev kuajmob clinic thiab tsev khomob loj saib puas muaj teebmeem losyog ntsib kev nyab-xeeb licas.

Tsoomfwv Australia npaj tias yuav pib siv cov tshuaj tiv-thaiv kabmob rau cov pab-pawg neeg uas yuav kis tau tus kabmob ntau tshaj plaws rau thajtsam lub 2 hli ntuj nrab no mus.

Peb lub luag haujlwm loj nyob rau hauv lub tsev TGA ces yog qhia rau pejxeem Australia kom paub tseeb tias yam tshuaj no nws yeej muaj kev nyab-xeeb tsis muaj teebmeem thiab yeej yog yam tshuaj zoo rawsli peb tus kevcai nruj ntawm saib-xyuas tshuaj.

**Tus sau: Adjunct Professor John Skerritt, uas yog tus thawjtswj saib-xyuas hauv lub tsev saib-tshuaj Therapeutic Goods Administration.**